



AWEMainta

E DIFERENCIA DEN NOTICIA

PARLAMENTARIO MARISOL TROMP:

MINISTER ENDY CROES TA METE Y FORSA DOCENTE PA KIBRA Y CAMBIA PROCEDURA



3
NA DESVELO DI ESTATUA
RENOBA DI DA COSTA GOMEZ

EMAN A CONECTA CU UN
PUEBLO DEN REFLEXION!




4
DEN CASO MAHOS DI ABUSO SEXUAL

HUES TA DECLARA TATA
LIBER DI A ABUSA
DI SU PROPIO YIU MUHE



6
TURISTA TA
HOGA NA ARASHI



Market Leader of Business Software in the Caribbean

= exact

Solutions for:

- Finance
- Wholesale Distribution
- Professional Services
- HRM, CRM and BPM

VCC
International NV

Supports All Your
Business Activities & Processes!

Tel. 583-7072 | info@vcc-int.com | www.vcc-int.com

Parlamentario Marisol Tromp:

Minister Endy Croes ta mete y forsa docente pa kibra y cambia procedura

Parlamentario y lider di fraccion MAS Marisol Tromp a trece dilanti durante tratamento di presupuesto cu enbes cu e ministernan sigui e pensamento di laga e profesionalnan haci nan trabou, nos ta mira cu nan ta mete den e procedura diario di e procesonan cu mester tuma luga den diferente luga.

E parlamentario a duna un ehempel cual ta situacionnan unda cu den Parlamento varios minister ta splica cu 'nan ta laga nan profesionalnan haci nan trabou'. Ora Parlamento haci pregunta y cuestiona riba procedura y e casonan, e minister ta keha cu ta ofende e profesionalnan aki y ta pidi pa laga nan haci nan trabou.

Pero kico t'e ofensa mas grandi contra e profesionalnan aki? Cu nan tin un minister cu enbes di respeta e proceduranan, por ehempel den enseñansa, bo ta haya cu prome minister, presidente di parlamento y kisas e minister di enseñansa mes, ta cana bishita scol pero no ta respeta e proceduranan di e scolnan.

Prome minister ta permiti cu na cierto scolnan hende cu ta keda sin haal cierto toetsnan, cual ta un procedura interno di e scol ey, minister di enseñansa ta mete, manda carta y duna opdracht kico mester pasa y con e mester pasa siendo cu tin procedura estableci riba con esaki tin cu bay.

Bo ta haya procedura caminda cu tin estableci ki ora bo ta haal cierto toets y e ta conta preto riba blanco y tur hende den e scol sa esey y na momento cu un hende no ta contento cu su uitslag, cual ta posibel, e ta bay acudi na minister di enseñansa paso e no ta feliz cu loke a pas'e. Y enbes cu minister papia y bisa e scol cu "ata un caso aki pa boso papia y evalua segun ley", e minister ta haya cu ta normal p'e bay mete y bisa e scol cu e vaknan cu no a wordo logra door di e persona, e como minister ta haya cu e persona mester haya un chens mas a pesar cu e no a logra cu ningun di e chensnan cu e scol a dun'e.

Hasta minister kier dicide ken mas di su banda lo bin pa 'kijk na' e toetsnan. Bo ta kere esey ta normal pa un minister haci den e temponan aki di 2023? E punto no t'e alumno cu ta sintie malo of tin gana di e studio, e punto ta cu un minister ta sinti ta bon cu e ta 'grijp in' den un situacion cu e no ta supposed di mete aden, esta contenido di toets y examen, cual cu ta algo asina serio.

Es mas, nos ta den un situacion caminda e minister ta practicamente ordena con esaki tin cu sosode y loke ta mas tristo ta cu esaki ta sosode den un area di enseñansa. Un ehempel ta un caso den IPA, cual no ta matter ken e ta, pero IPA ta un scol cu,

mirando e cantidad di bishita cu nan ta haya di e ministernan incluyendo prome minister, kende gusta bishita scolnan pa asina e wordo bon informa di kico ta pasa den cada scol su maneho y kico ta going on.

Riba su mes esaki ta mostra positivo pero ta imposibel pa kere cu Prome Minister ta permiti of sa esaki y ta na altura pero no ta haci nada la respecto pa coregi den e caso aki, por ehempel, minister di enseñansa Endy Croes.

Muy en particular den un instituto caminda cu ta poni hopi duidelijk kico ta e rekisitonan pa un alumno haal algo. Tur cu ta estudiante y alumno sa kico esaki ta nifica. Nos sa kico ta nifica pa bo haal algo wel of niet. Con bo ta bay studia di nobo, proceduranan cu bo ta pasa aden, etc.

Awo un minister cu ta sinti ta okay pa manda un carta pa bisa cu aunke e personanan aki no a haal nan toetsnan ni e prome ni e di dos biaha, e como minister ta cay aden y mete y ta ordena y bisa e scol pa 'per direct' nan mester laga e alumno aki haci e toets bek y no esey so sino cu e como minister lo apunta ken ta yuda kijk na. Den e temponan aki? Den 2023?

Parlamentario Tromp ta puntra con e tin cu wak esaki den cuadro di integridad den proceduranan cu e scol aki mester hanteer y cu un minister ta viola reglanan, mientras cu minister mes ta papia di laga profesionalnan haci nan trabou y depolitisa y hustamente e mes ta politisa un instituto cu mester wordo reforsa y mester mas ayudo y sosten paso lamentablemente den e ultimo añanan apenas tin studiantenan ta haal e toetsnan rekeri pa por sigui. Con bin cu e instituto aki ta wordo negligisha door di gobierno, pero ora un baca hoga si minister kier bay pone ordo den e instituto.

Despues di 6 año di Gabinete Wever Croes, den e caso aki ta haya ta bon pa djies bay bisa e scol kico nan mester haci anto pone alumno bek, via cartanan largo firma pa minister y firma pa coordinador di minister caminda cu ta bisa kico e ta pensa mientras cu ni e bevoegdheid of potestad e tin pa haci esaki. Pasobra si bo kier laga pa un instituto manera un scol publico, laga DPS bay studia e caso y determina kico ta e problematica y con pa solucionar esaki.

Pero no laga un consehero cu no ta ni na e bureau publico pa haci e trabou aki, haci esaki y pidi uitvoering 'per direct' tambe. Segun parlamentario Tromp, esaki no ta normal.

Na desvelo di Estatua renoba di Da Costa Gomez

Eman a conecta cu un pueblo den reflexion!

“Eliñanan invisibel di amistad, hermandad, soñonan y causanan comparti ta transcende tempo y distancia. Esaki tabata e caso den añanan 40 di siglo pasa cu tabata biba na Corsou un anhelo pa ta “baas den su mes cas” pa cu Hulanda y na Aruba tabata tin un sentimento comun di lucha pa ta baas den nos mes cas frente e sistema colonial cu Hulanda a structura na Corsou”. Asina doctor da Costa Gomez y mi abuelo Henny Eman a encontra otro cu un lucha comun, uno pa Corsou y uno pa Aruba”. Cu e palabranan aki ExProme Minister, mr. Mike Eman, a inicia su discurso na Gomez Plein na ocasion di desvelo di e estatua renoba di Dr. Moises Frumencio da Costa Gomez.

CAUSANAN COMPATI

Mr. Mike Eman a conta con e tabata na Hulanda ora cu den oranan di marduga a drenta un yamada di Maria Liberia Peters cu no tabata sa cu e ta na Hulanda. Mainta trempa Eman a wak e mensahe y yama Shon Maria bek, cu cual e tin un laso di hermandad y amistad como parti di legado di e heroenan christian democrata cu partido PNP y AVP ta comparti. Mr. Eman a splica cu Maria a punte pa ta na Corsou pa e momento grandi aki y pa duna un mensahe na e ocasion di reflexion profundo aki.

Por a tende un feneta cay den e publico grandi na momento cu Eman a referi na e prome buki cu e a pone man riba dje ora e a yega cas, for di e archivo di buki di su defunto papa, Shon A, cu e tin e privilegio di tin como Benjamin di famia na su cas. Mike a comparti cu e publico cu e a busca den e seccion cu e ta corda di tin bukinan bieu di su tata cu ta publicacionnan di Doctor. E prome cu Eman a tuma den man y habri tabata bisa cu anotacionnan for di man di doctor: “Aangeboden aan mijn vriend Sjon A, ter aandenking, firma M.F. da Costa Gomez”. Mi no ta kere cu esaki ta casualidad Eman a expresa cu hopi emocion den su bos, mi ta kere cu esaki tabata poni den mi caminda pa a tuma luga na e momento husto aki di un reflexion grandi riba e bida di doctor. Nan amistad tabata uno di anhelonan comparti pa nan respectivo pueblonan y esey a transcende frontera y a pasa di un generacion pa otro”. Por a sinti cu Eman a conecta claramente cu pueblo di Corsou cu e sentimentonan comparti aki.

FE, SPERANZA Y AMOR

Eman a cita for di e mesun buki aki, cu doctor a otorga su defunto tata asina hopi tempo pasa cu ta carga e titulo “ENKELE ONDERWERPEN VAN STAATSRECHTELIJKE AARD”. Den e ultimo pagina di e buki doctor ta bisa: “Moge God het ons geven, dat onder leiding van Hare Majesteit, de staatkundige evolutie der voormalige bezittingen en koloniën tot rust komt in een statische ordening naar Hare beginselen van recht, waarin allen haar deugd van rechtvaardigheid zullen volgen”. E lucha cu nan a hiba



na Corsou y Aruba, Eman ta bisa, a wordo guia pa un pensamiento mas grandi, mas profundo, e tabata basa riba e conviccion cu nan aspiracionnan pa nan pueblonan mester wordo guia pa locual ta husto pa e pueblonan, inspira pa e pensamiento cu locual wordo lucha pe mester ta basa riba “geloof, hoop en liefde”. Nan lucha como cristiannan democrata tabata brota for di un Fe y creencia fuerte, un speransa ilumina pa e Fe aki y un sentimento profundo di amor prohimo como e guia pa sirbi y lucha pa un miho futuro pa nan pueblonan.

Den caso mahos di abuso sexual

Hues ta declara tata liber di a abusa di su propio yiu muhe

Diabierna mainta Corte den Prome Instancia a trata un caso di abuso sexual di un menor di edad y ora cu papia di “menor” ta pa motibo cu e pover criatura involvi den e caso aki tabatin 6 aña di edad y awor cu tratamento di e caso a tuma luga, e mucha chikito tin 7 aña.

E acusado den e caso aki, tabata e homber di inicial J.ZR. di 34 aña kende a wordo acusa pa Ministerio Publico di lo a comete actonan sexual cu su yiu muhe y cu e lo a sunchi un otro menor di edad den su boca.

Sin duda e acusacion di a tene relacion sexual cu su yiu di 6 aña, tabata esun mas serio, algo condenabel cu ta inaceptabel pero durante henter tratamento di e caso diabierna mainta, tanto e acusado como su abogado mr Emerencia, a insisti cu ningun momento homber aki a abusa di su propio yiu muhe.

Peticion di e abogado pa interoga e pareha actual di e homber J.R. y tambe su ruman homber kende ambos conoce e mucha muhe chikito aki bon, a keda rechasa pa Hues den e caso aki pero abogado Emerencia a muestra cu ningun di e acusacionnan contra di su cliente den e caso aki, ta wordo sosteni pa pruebanan concreto y legal.

El a muestra cu ta solamente declaracion di e criatura kende a conta kico el a pasa aden, tin como prueba contra di e homber mientras cu esaki tambe ta e caso caminda e lo a sunchi un otro mucha menor di edad den boca.

Durante tratamento diabierna, e acusado a insisti cu ningun momento e sunchi den boca tabata algo cu el a busca pa haci pero si cu na momento di a bay duna e mucha un sunchi na cara, el a bira y esaki a ser duna den su boca.

Segun tratamento di e caso tabata andando, por a mira diferente “twist” den e caso, ya cu en berdad si tur loke a tuma luga ta berdad, anto e acusado J.R. merece un castigo hopi pisa mes, a pesar cu na momento cu el a declara cu nada di ta ser treci dilanti ta cuadra cu berdad, ya cu e ta un tota di cinco yiu y cu e ta traha duro pa mantene tur su yiunan. Segun e acusado, declaracion di su yiu contra di su persona den e caso aki, a haci su persona hopi dolor ya cu simple-

mente nunca el a abusa di su yiu muhe, insistiendo cu ta mama di su yiu aki, ta esun cu lo a prepara su yiu pa declara tur loke el a declara contra su persona.

COMPLICA

Un momento cardinal den e caso aki diabierna mainta, tabata na momento cu a Hues a mostra cu pa loke ta e acusacion di penetracion di e tata contra di su yiu muhe, tin rapport di dokter cu ta muestra cu control haci riba e mucha, no a duna ningun indicacion cu tabatin penetracion.

Esaki practicamente a elimina declaracion di e criatura kende a declara na recherchenan cu ora cu e tata a comete acto sexual contra di dje, esaki a haci dolor pero awor e control medico ta muestra cu no tabatin ningun penetracion. Aki mesora a lanta e pensamiento si loke e pover mucha aki a declara na autoridadnan hudicial, si esaki tabata corecto of si el a wordo instrui riba kico e lo tin cu bisa na polisnan y a lo largo esaki a keda den aire.

Na momento cu AWEMainta ta referi cu ta trata di un caso “mahos” ta relaciona cu si en berdad e acusado a abusa di su yiu, ta algo hopi cruel y e merece e castigo maximo, caminda Fiscal a exigí un castigo di 6 aña di prizon.

E lo ta super mahos y cruel tambe, si e pover criatura a wordo instrui pa declara contra di su tata ya cu esun of esunnan cu a haci esaki, tambe merece di wordo condena pa e tipo di accion aki, caminda ta manda un yiu traha pa manda su tata prizon.

Hues a cera tratamento di e caso y mesora a dicidi cu e lo tuma un decision caminda el a muestra cu no tin mucho prueba contundente contra di e acusado J.R. loke ta pone cu no tin prueba concreto di abuso y pa tal motibo ta declara e acusado J.R. liber di e acusacion di a abusa di su yiu muhe.

Hues si a haya e acusado culpabel na e sunchi cu el a duna e otro menor di edad den su boca y a mishi cu su parti patras y a condena e homber na 100 ora di trabou pa comunidad y si e no cumpli cu esaki, e lo bay 50 dia cera den prizon. Den oranan di atardi e acusado a wordo laga liber for di KIA caminda e tabata deteni.

CACHI • CACHI

Christmas Edition

GANA TUR DIA

AFL 1.000,-

CU

LOTTO
5

LOTTO
DI DIA

LUCKY
3

ZODIAC

BIG
4

CAT 4 CHI

10FF

KORSOU

MULTI-X

MINI
MEGA

MINI
MEGA

MEGA PLUS

INSTA
CASH

CON PA HUNGA:

Cu cada compra di weganan di Lotto, ta ricibi un set di number di Cachi Cachi ariba bo ticket. Sorteo di Cachi Cachi lo tuma lugar tur dia durante sorteo di anochi y diadomingo 2:00 PM.

Campaña ta valido desde 1 di december te cu 31 di december 2023



www.lottoaruba.com





Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Turista ta hoga na Arashi



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 – 5653466
E-mail: info@carlymar.com



Dia Domingo mainta pa mas o menos 9:23 central ta wordo notifica cu un hende homber lo a haya problema den lama y su yiu a sake y trece na canto na unda a cuminsa cu re-animacion.

Polis a wordo despacha como tambe personal di ambulance.

Na yega di polis a topa cu e situacion lamentabel. Personal di ambulance a presenta y a purba brinda yudansa na e persona. Pero lamentablemente no por a haci nada mas pe.

Pa 10:42 Dr Mungra ta constata morto di e turista A.P. naci na Poland y di 64 aña.

Slachtofferhulp a presenta na e sitio pa asina guia e famia den e momento dificil aki.

Cuerpo Policial y AWEMainta ta manda palabra di condolencia na famia di e fayecido.

FELIZ DIANAN DI

Fiesta

Holiday Season | Opening Hours

Friday	22 December	Normal Hours
Saturday	23 December	Normal Hours
Sunday	24 December	9:00AM - 6:00PM
Monday	25 December	Closed
Tuesday	26 December	Closed
Wednesday	27 December	Normal Hours
Thursday	28 December	Normal Hours
Friday	29 December	Normal Hours
Saturday	30 December	Normal Hours
Sunday	31 December	8:00AM - 2:00PM
Monday	01 January	Closed
Tuesday	02 January	Normal Hours

This information is valid for SUPER Do it Center (Shaba), Do it Center Camacuri and Do it Center Savaneta.

SUPER
Do it Center®

Do it Center
Camacuri

Do it Center
Savaneta

Parlamentario Marisol Tromp

Gobierno ta gusta castiga tur hende cu e no ta gusta

“Nos tur a pasa aden, na un ocasion of otro,” ta loke lider di fraccion di MAS, parlamentario drs. Marisol Tromp, ora cu el a pone enfasis riba e palabra ‘voorkeur’.

“Den e caso aki con mester wak esaki den cuadro di voorkeur pasobra e minister aki (referiendo na prome minister), gusta papia di voorkeur.” Esaki

**BAN
COLOMBIA
BOGOTA
CALI
MEDELLIN**

ARUBA/
COLOMBIA
CUMINSANDO NA PA DESTINO
\$100 USD

AUA
AEROPUERTO INTERNACIONAL REINA BEATRIZ

wingo.com
¿Cómo quieres volar?



ta enfatisando riba e metemento di e ministernan den trabao di profesional.

“Ken a duna voorkeur na ken, masha malo mes, tur tin cu bay KIA, tur di bay cera, investiga nan, tira e yabi afo, saca hende fo'i parlamento, laga nan sin cobra, kita nan afo, etc. esta castiga tur hende cu nan no ta gusta y cu nan ta kere cu no mester t'ey.”

Tromp a indica cu si ta asina fuerte nan kier ta den bisa pa duna voorkeur, no trek voor, no haci cos asina, pasobra ta bay cera, ta susha hende nan nomber dos aña largo, yama tur pa sospechoso y pa despues haya sa cu no tabatin motibo pa persigui e persona, pasobra ta onterecht a hacie sospechoso, den e caso aki dañ a hende nan nomber, comosifuera cu e mes ta den caso y permiti cos asina aki den su propio gobierno, cual ta ilustra metemento. *“Esaki ta voorkeur.”* Esaki ta ora cu dañ a un instituto, kibra e profesionalnan door di no respeta nan y forsa nan haci cos cu ta nan propio reglanan.

Esey ta caracteriza e gobierno aki. Esey t'e puntonan cu ta prueba di situacion cu awo ta pasando. Despues di tanto aña di gobernacion.

Team di **AWEMainta & AM News** ta participa

En conexion cu dianan di fiesta binidero,
lo **no tin circulacion di corant**
AWEMainta y AM news dianan:

Pasco

24, 25, 26 y 27 di december (Pasco)

Proximo publicacion ta bira 28 di december 2023

(Nos ultimo dia di trabou ta 22 december y
nos ta bek den oficina dia 27 december)

Aña nobo

31 december, 1,2 y 3 di januari

Proximo publicacion ta bira 4 januari 2024

(Nos ultimo dia di trabou ta 29 december y
nos ta bek den oficina dia 3 di januari)

Por favor tene cuenta cu tur comunicado y aviso mester
t'aden prome cu 7pm, despues di e ora menciona, e aviso
y/of comunicado lo Sali den e siguiente publicacion.

Pa medio di esaki, Team AWEMainta y
AM News kier desea pueblo y nos fiel siguidonan un
Feliz Pasco y un Prospero aña 2024!

Dama hoben a bira basta malo den area di Hot Zone



Diabierna den oranan di anochi polis y ambulance ta wordo pidi ariba e segundo piso di un mall den area di Hot Zone. Eynan un damita lo a bira hopi malo. Na yegada di polis en berdad nan a constata un damita cu lo a bira basta malo. Segun informacion cu polis a ricibi na e sitio, e lo tawata trata di un caso di intoxicacion.

Ambulance a wordo pidi cu urgencia, mirando e situacion cu e damita lo tawata aden. Dos ambulance a presenta pa duna asistencia y na final pa transporta e dama jong pa Hospital, unda e lo ricibi trato medico mas avansa.

Auto a bolter pazuid di rotonde di Hospital



**SCOGE
BO REGALO**

Ora bo activa un Postpaid
Prime More di 2 aña

Bishita nos awe mes!



Diabierna anochi pasa di 11'or y mey polis a bay cu urgencia pazuid di rotonde di Hospital, unda cu un auto a bolter.

Na yegada, polis a topa cu e Hyundai Accent cu berdad pa un of otro motibo a perde control, bahando caminda na su man robes y bolter. E ocupantenan no tawata herida.

Otro boksmento pabou di caminda

E accidente aki a sosode ariba e parti pariba di caminda, mientras cu e boksmento entre tres auto cu a dal tras di otro a sosode ariba e parti pabou. Eynan tambe tawata tin bastante daño material.

Tawata wordo papia, cu kisas un di e autonan a slow down pa mira kico tawata pasando y no a regula su velocidad.

Takelwagen a presenta pa a lanta e Hyundai Accent.

Homber a maltrata muhe formalmente na Bubali

Diadomingo marduga despues di 3'or polis a wordo pidi cu urgencia, altura di Yami Yami na Bubali, unda un homber tawata maltrata un dama formalmente.

Segun nos a compronde, e homber tawata bati e muhe cu mokete y elleboog. Den e area algun persona cu a mira locual tawata pasando mesora a sali na defensa di e dama, cu no tawata tin ningun manera di salba di e golpinan di e homber.

Varios patruya a yega y mesora a bay over na detene e homber, cu durante cu e tawata wordo deteni a puntra e muhe si e ta ok. E homber a wordo hiba warda di polis den transportwagen. Na e sitio tawata wordo papia cu e homber lo ta labora den un departamento di Husticia.



Accidente cu herida ariba Caya Punta Brabo



Diasabra mainta algo pasa di 11'or polis y ambulance a bay e crusada T altura di SVB, pa un accidente serio entre 2 auto. Na yegada di polis nan ta topa cu un Toyota pick up y un Ford cu un pareha turista aden. E accidente a sosode momento cu e pickup na e crusada lo no a mira e auto Ford biniendo, y ta subi dal e. Debi na e impacto fuerte, e Ford a bay drenta e tereno di Divi Golf.

Na yegada di ambulance e Paramediconan a acerca e turista, aunke nan tawata "herida" nan no a desea asistencia medico e ora ey. Pa locual ta chauffeur di e pickup e si a wordo transporta pa Hospital, pa e golpinan ricibi. Daño material manera por mira ta hopi.



NUEVA RUTA

LIMA ✈️ ARUBA

Todos los jueves,
sábados y domingos

COMPRA
tu ticket en
www.latamairlines.com

AUA
AEROPUERTO INTERNACIONAL REINA BEATRIZ

LATAM
AIRLINES

PARA MAS INFORMACION VISITA WWW.AIRPORTARUBA.COM

Devastador knockout di Jake Paul ta haci cu ta papia di e retiro di su rival Andre August



Den un sorprendente buelta di acontecimiento, e knockout di Jake Paul riba Andre August den e prome buelta a lanta discusion riba e posibilidad cu August retira for di

boxeo profesional. E entrenador di August, Justin Deshone, a expresa su pensamiento cu e combate por marca final di e carrera di e boxeado di 36 aña.

August, cu un record di 10-1-1 den cruiserweight fight di Orlando (Florida), a planea inicialmente pa sigui bringa, segun Deshone. Sinembargo tur cos a cambia ora cu Paul a pas'e un uppercut di un rechts decisivo, mandando August den un knockout den e minuut 2:32 di e prome buelta.

Deshone a revela cu e combersacionnan despues di e combate a laga di compronde cu August tabata pensando na retira. "Tabata algo manera: 'Esaki ta tur, ruman.'" Deshone a bisa, haciendo referencia cu e knockout no tabata e unico factor. August, tata di dos mucha chikito, ta inclina pa e caminda orienta riba famia. Deshone a declara: "Mi ta kere ta mas pa su yiunan. El a converti mas den un tata di famia."

A pesar cu August ta "bon y sano" despues di e combate, actualmente e no ta duna entrevista. E impactante victoria a mehora e record di Jake Paul na 8-1 y e luchado di 26 aña a menciona riba plan pa un proximo anuncio riba su futuro combatenan.

E buelta inespera aki di acontecimiento ta pone enfasis riba e consideracionnan emocional y personal cu hopi biaha ta compaña e tumamento di decision di un atleta profesional y ta benta luz riba e naturalesa polifacetico di e bisa mas despues di e ring.

Violet Spa

Servicios a Domicilio

- Masajes Anti-Estres y Relajantes
- Masajes Terapéuticos
- Reflexología Podal
- Detox Lónico

Masaje Reductor

Masajes reductores contiene:

- Aparatología Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235

Ubicación bajo demanda

BEAUTY & SPA

Prins Harry a logra victoria den su demanda contra Daily Mirror pa hacking di su telefon



Den un victoria historico, Prins Harry a sali triunfante di su demanda contra Daily Mirror, ora cu un hues a dicta cu e periodistanan y e investigadonan priva di e corant, a hack ilegalmente e telefon di e miembro di realesa, invadiendo su intimidad. E sentencia a expone hacking telefonico “generalisa y habitual” na Mirror Group Newspapers y a acusa e ehecutivonan pa cubri e accionnan aki.

Corte Superior a condena e corant pa paga Prins Harry 140 mil pound (180 mil dollar) pa uza informacion haya ilegalmente den 15 di e 33 articulonan periodistico analisa. E sentencia ta ilustra un victoria importante p’e Duke di Sussex cu a entama varios demanda contra e tabloidenan impugnando nan practicanan invasivo.

Hues Timothy Fancourt, den un sentencia di 386 pagina, a declara cu hacking telefonico no solamente tabata frecuente, sino tambe un practica rutinario den Mirror Group Newspapers. E decision ta subraya e magnitud di e violacionnan di intimidad cometi contra Prins Harry.

Como contesta riba e sentencia, Prins Harry a expresa su satisfaccion cualificando di “reivindicativo y afirmativo.” El a subraya cu mester sirbi di advertencia n’e otro medionan di comunicacion cu ta uza practica similar. E declaracion

di e prins a subraya e importancia di e responsabilidad y e berdad den periodismo.

E demanda pa daño y perhuicio ta inclui un compensacion p’e angustia sufri pa Prins Harry y un suma adicional pa refleha e daño particularmente causa pa dos ehecutivo di Trinity Mirror cu tabata consciente di e hacking pero no a interveni. Hues Fancourt a critica nan complicidad, afirmando cu nan a ignora y a sconde actualmente e conducta ilegal.

Prins Harry kibrando cu e tradicion di e famia real, a pidi 440 mil pound (560 mil dollar) riba su crusada legal contra e medionan di comunicacion Britanico. Su testimonio dilanti corte a acusa Mirror Group di a uza periodista cu tabata spiona voice messages y tabata uza medio ilegal pa ricibi informacion riba dje, e otro miembronan di e famia y su socionan.

Aunke cu e Prins tabata falta di prueba concreto, e sentencia ta duna validez na su afirmacionnan y ta pone enfasis riba e problemanan cu e practicanan invasivo den e sector di e medionan di comunicacion. Ta spera cu e sentencia sanciona den tur e panorama di e medionan di comunicacion y constitui un trend den e lucha di Prins Harry contra e mal conducta di prensa sensacionalista.

Compania di carga ta interumpi nan biahe den Lama cora despues di atake Houthi

Como respons na un serie di atake di e rebeldenan Houthi di Yemen contra nabegacion den Lama Cora, dos compania di carga importante, Maersk y Hapag-Lloyd a dicidi di interumpi tur biahe a traves di e estrecho strategico di Bab al-Mandeb.

Diabierna Yemen, controla p'e Houthinan, a ataca dos bapor di bandera Liberiano den e estrecho di Bab al-Mandab. E prome atake, cu ta kere cu tabata un atake di drone, a alcanza Al-Jasrah, bapor di container di bandera Liberiano, propiedad di e empresa di transporte Aleman Hapag-Lloyd. E bapor a sufri daño fisico, cu e caida di un container den lama y candela riba dek.

Den un di dos atake nan a tira dos misil balistico, un di cual a alcanza otro bapor di bandera Liberiano, MSC Palatium III. E tripulacion di e bapornan ataca, a traha pa paga e candelanan provoca p'e atakenan.

Maersk, un di e companianan di carga mas grandi di mundo, a anuncia suspension di e paso di su bapornan door di e estrecho di Bab el-Mandeb, pidiendo tur e bapornan di Maersk den e zona pa interumpi nan biahe te proximo aviso.

Hapag-Lloyd, compania di container Aleman, tambe a dicidi di interumpi tur su biahenan door di Lama Cora te cu dia 18 di december y un vocero a declara cu lo tuma un decision p'e periodo cu ta bin.

E rebeldenan Houthi a admiti pa ta autor di e atake, afirmando di a tira misil contra e bapornan, MSC Alanya y MSC Palatium III, indicando cu ambos tabata bayendo Israel. Sinembargo e e datonan di siguiemento (tracking) di e bapornan a indica cu nan destino tabata Jeddah na Saudi Arabia.

E declaracion di e Houthinan a manifesta nan intencion di impedi e bapornan bay n'e wafnan Israeli te cu nan entrega nan suministro esencial pa Gaza. E comunidad internacional, incluyendo Merca, ta trahando pa confronta e menasa cu e atakenan di Houthi ta forma, cu ta pone na peliger e libertad di circulacion den Lama cora, un ruta fundamental p'e comercio mundial.

E atakenan ya a provoca un aumento di e costonan di seguro di e bapornan cu ta transita door di e zona, afectando specialmente e bapornan di tamaño mas grandi, manera esunnan petrolero. E situacion ta manifesta e riesgonan cu e bapornan comercial ta enfrenta den e region debi na e empeoramento di e dinamica di e conflicto.

Mientras cu e tensionnan ta aumenta, e comunidad internacional ta sigui di cerca e situacion pa garantiza e seguridad di e rutanen maritimo den Lama Cora.

Digicel

MAS PREMIONAN PA E FIESTA AKI

Activa un Prime Ultra Bundle di 7 dia cu yamadanan Sin Fin pa Awg 33.99 y gana mas premionan

Activa awe mes den MyDigicel app

GANA UN BIAHE PA DISNEY CU BO FAMILIA

Update di Google Maps ta mehora e privacidad di e usuarionan n'e acceso di e forsanan di siguridad



Google ta den aplica un update importante na su aplicacion Maps, modificando e lugan di concealment di e historial di e localisacion di e usuarionan. Na lugan di almanac e datonan aki riba cloud, e update lo almanac localmente den e aparato di e usuarionan, loke ta dificulta e acceso di e forsanan di siguridad na dicho informacion. E medida kier responde n'e preocupacion pa privacidad di uzo controverti di e "geofence warrants" di parti di e forsanan di siguridad.

E "warrant" nan aki ta permiti autoridad haya dato di e empresanan tecnologico riba e telefonnan mobil cu a circula door di e zonanan specifico durante periodo di tempo determina. Esaki a trece problema di privacidad, specialmente pasobra lo por converti den sospechoso na cualkier cu lo haya cerca di e lugan di un supuesto delito. FBI ya a uza anteriormente e geofence warrants pa recopila dato relaciona cu acontecimiento manera un protesta di Black Lives Matter na Seattle.

Cu e proximo update, Google kier reduci e practica di e buskedanan di ubicacion indiscrimina, dunando un paso proactivo pa duna e usuarionan mas control riba nan dato. E cambio ta afecta especificamente e funcion Timeline di Google Maps, caminda cu ta almanac e ubicacionnan anterior di e usuarionan. Aunke e historial di ubicacion ta desactiva pa defecto, e usuarionan cu dicidi activ'e a mira tradicionalmente con nan dato ta wordo almanac den e cloud, haciendo nan accesibel a traves di e Geofence Warrant. E cambio pa concealment local di e informacion aki den e dispositivonan di e usuarionan ta nifica cu Google ya no lo dispone di dato agrega pa facilita nan n'e forsanan di siguridad.

Marlo McGriff, Director di Producto di Google Maps, a declara: "Semper nos ta trahando den forma pa duna hende mas control riba nan dato." E anuncio a tuma

luga den un entrada di blog y e compania tin pensa riba un despliege gradual di e update durante otro aña den e versionnan pa Android y iOS di e aplicacion Google Maps.

Fuera di e cambio den e concealment local, Google tambe ta ahustando e configuracion di e autodelete. Anteriormente tabata establece pa defecto den 18 luna, pero awo lo ta di tres luna. E usuarionan lo ricibi notificacion ora cu e update ta aplica na nan cuenta. E update aki ta permiti e usuarionan conserva nan dato di localisacion haciendo un copia di siguridad riba e cloud, caminda cu Google lo encrypt nan automaticamente.

E medida ta yega despues cu e democratanan a expresa nan preocupacion p'e echo cu Google ta ricibi un cantidad considerabel di geofence warrant, enfatisando n'e empresa pa limita e recopilacion y retencion innecesario di dato di localisacion di e clientenan. E actualisacion ta refleha un compromiso cu privacidad di e usuarionan memey di e debatenan andando riba e responsabilidadnan di e empresanan tecnologico relaciona cu e dato di e usuarionan y e peticion di e forsanan di siguridad.

APPAREL **BOAT ACCESSORIES**

TODOMAR

f TodomarAruba @TodomarAruba TodomarAruba +297 585 0555

FISHING TACKLE **FIBERGLASS PRODUCTS**

Parlamentario Marco Berlis (MEP):

Miguel Mansur kier pa Aruba bira mescos cu Boneiro

Durante di tratamento di e Presupuesto 2024 riba diahuebs anochi un biaha mas nos por a contempla y scucha e actitud y palabranan barbaro di sr. Miguel Mansur. Despues di su ausencia pa un dia y mei na e tratamento di e ley di mas importante di nos pais, pasobra cu e la dicidi di tuma vakantie y lora den sneeuw enbes di bin traha, Mansur a cuminsa compara y gaba con miho Boneiro ta cu Aruba y cu nos pais mester ta mas manera Boneiro.

Reflexion di e comparacion di Mansur entre Boneiro cu Aruba

1. Mansur a bisa cu na Boneiro, cu ta provincia di Hulanda desde 2010, lo bay conoce un aumento di e salario minimo na juli 2024. E salario minimo lo wordo aumenta di \$1.236 pa \$1.750 y cu Hulanda ta bay inverti miyones awo pa yuda e Bonerianonan. Esaki ta punto di hustificacion cu Mansur ta menciona, sinembargo loke e no ta bisa ta lo siguiente: (1) Ora Boneiro a bira provincia di Hulanda, su moneda, e florin a bira dollar. (2) Prijsnan a cambia di 1 florin pa 1 dollar, pero salarionan a djis wordo dividi pa e balor di dollar y ciudadanonan di Boneiro a perde den un solo decision di Hulanda como 70% di nan poder di compra. Esaki Miguel Mansur ta desea pa Aruba?

2. Desde cu Boneiro a bira un provincia Hulandes, tin mas Hulandes ta biba na Boneiro cu Boneriano mes, ya cu cos a bira barata pe Hulandes biba na Boneiro pero pe Boneriano tur cos a bira caro. Esaki Mansur kier pa Aruba?

3. Boneiro a bira un provincia na 2010 y durante e tempo aki Bonerianonan a perde mayoria di nan negoshi cu a wordo cumpra pa Hulandesnan, a perde terenonan, casnan, y pobreza extremo a dal Bonerianonan. Esaki Mansur kier pa Aruba?

4. A tuma 14 aña pa Hulanda realisa cu mayoria Bonerianonan ta den pobreza? Kiermen pa 14 aña Bonerianonan mester a sufri pobreza na man di colonialistanan, cualnan a tarda 14 aña pa instala comisionnan di Tweede Kamer cu a keda den “shock” pe pobreza structural na bin haya na Boneiro? Esaki Mansur kier pa Aruba?

5. Salario minimo lo subi na Boneiro. Corda si ta salario minimo so ta subi, esaki no lo yuda Bonerianonan sali di pobreza. Ke hubo di e otro cu ta lucha y cu ta gana net riba e salario minimo? Nan lo haya un ayudo? No! Esaki Mansur kier pa Aruba?

6. Tweede Kamer di Hulanda a instala comisionnan Thode y Nibud, cualnan a haci un investigacion pa averigua cua ta e suma cu e pueblo di Boneiro mester minimal. Kico nan a constata? Un hogar cu ta consisti di un mayor soltero y cu tin dos yiu, ta perde 2/3 parti di su entradanan na gasto basico. Un pensionado soltero ta perde mita di su salario na



gastonan.

7. E Comision di Thode y Nibud a bin constata cu e “uitkeringnan” ta catastrofico abao. Mayoria di hende na Boneiro cu ta pover “tin trabao normal.” Pero pasobra e salario minimo a keda demasiado abao pa mucho tempo y e costo di bida ta demasiado halto, esaki a causa cu aunke e hendenan ta traha nan ta keda pover. Esaki ta loke Mansur kier pa Aruba?

8. Den e mesun rapport tambe ta musta cu 1 di cada 3 Boneriano ta den pobreza. Esaki ta loke Mansur kier pa Aruba? Ya bo sa e contesta.

Pueblo awor ainda ta kere cu e Boneriano a bay dilanti como provincial y decisionnan descabeya di Hulanda? Absolutamente cu no. Hulanda ta trata e Boneriano como un tweederangsburger y ta exactamente esey Mansur ta desea pa Aruba. Despues di a wak su actitud recien atrobe, uno masha bergonsoso den cual Mansur a lastra clero catolico y insinua cu nan ta homosexual, ataca religionnan Cristian y nan liderazgo y creyentenan, lastra, insulta y maluz a e Palabra di Dios, ainda bo por kere cu algo decente y serio por sali di Miguel Mansur? Ya bo sa e contesta.

Parlamentario Marco Berlis (MEP):

Pensioen y salario minimo lo conoce aumento atrobe na 2024



Durante di e dianan largo tratando presupuesto 2024 den Parlamento tremendo noticia pa pensionadonan y esnan cu ta gana un salario minimo a keda anuncia. Ta bon pa subraya cu semper ora partido MEP a sinta e salario minimo a subi casi Afl. 500 mientras ora AVP a sinta e no a ni yega cerca di esaki. Mirando cu Mike Eman durante su gobernacion 2009-2017 a kita asina hopi beneficio y placa for di nos pensionadonan, gobierno di Aruba a dicidi pa asina sigui aumenta e poder di compra di nos grandinan.

Bon noticia pa pensionadonan

Durante di e reunion publico di presupuesto supletorio y presupuesto 2024 lo siguiente a sosode;

- Den un anuncio di minister Dangui Oduber algun siman pasa, e la anuncia cu lo bay aumenta pensioen cu 3%. Sinembargo, durante di tratamiento di presupuestonan e la asegura cu e porcentahe di aumento di pensioen lo subi di 3%-4%. Sigur esaki ta un gran logro pa nos grandinan.
- Esaki ta e di 4 bes cu pensioen a keda aumenta den e ultimo 6 añanan! Apesar di crisisnan, a keda tuma cuenta cu pensionadonan y sigur minister Dangui Oduber a sa di demostra liderazgo y curason pa nos grandinan aumentando nan pensioen cu regularidad pa asina yuda pensionadonan acapara cu nan gastonan mensual.
- Durante di tratamiento di Presupuesto Spletorio Parlamentario sr. Marco Berlis a presenta un mocion pa

baha e prima di AZV riba pensioen. Segun minister Dangui Oduber nan ta trahando riba dje y cu esaki lo por baha di 6.5% pa 5%.

Bon noticia pa esnan cu ta gana salario minimo

Durante di e reunionan publico di presupuesto 2024 riba diabierna, minister Glenbert Croes a haci algun anuncio importante, cual e lo elabora riba dje mas den detaye den un conferencia di prensa dialuna 18 di December 2023.

Minister Glenbert Croes a anuncia cu salario minimo lo bay wordo aumenta te na Afl. 1.986,20 pa luna. Aworaki e salario minimo lo casi bira Afl.2.000 pa luna. Adicionalmente minister a anuncia cu ta trahando riba un concepto di ley pa traha riba e “uurloon.”

Esaki ta algo cu hopi ciudadano semper ta papia riba dje y tabata kier wak cambio riba dje. Esey ta haci cu aña 2024 ta bai bira un aña hopi interesante riba e topico di “uurloon,” ya cu e lo conoce cambianan importante riba dje.

Di e forma aki nos por wak cu hunto cu e progreso di nos economia, gobierno tambe ta trahando duro pa mas placa yega den e cartera di pueblo y nos grandinan y eventualmente henter pueblo lo conoce bek un era di prosperidad y ordo den nos pais.

Panorama di e freelancernan

Balans entre autonomia y reto

Bentaha di traha como freelance

Den e mundo dinamico di freelance, e profesionalnan ta disfruta di un sinfin di bentaha cu ta distingui e trayectorio profesional aki.

Flexibilidad den su nucleo

Pro: E freelancernan ta disfruta di e libertad pa dicta nan orario, ofreciendo un flexibilidad sin precedente cu ta contribui na un balansa mas saludabel entre bida laboral y personal.

Autonomia

Pro: Autonomia ta reina den e trabao autonomo. E individuo tin e libertad pa scoge proyecto, scoge cliente selectivamente y duna forma na nan strategia di trabao, fomentando un sentido di empoderamento.

Oportunidad di diferente trabao

Mundo di e freelancernan ta un campo di wega pa diferente proyecto cu ta trata diferente industria. E exposicion aki no solamente ta amplia e conhunto di habilidad, sino cu tambe ta proporciona un repertorio rico di experiencia profesional.

Posibilidad di entrada lucrativo

Pro: E potencial financiero no tin limite p'e freelancernan exitoso cu por establece nan propio tarifa y hunga cu multiple proyecto simultaneamente loke hopi biaha ta resulta den mayor ganashi.

Independencia di ubicacion

Pro: E beyesa di traha como freelancer ta radica den su independencia di ubicacion. Arma cu un connexion na internet, e freelancernan por traha for di practicamente cualkier luga, desbloqueando e posibilidadnan di biahe y opcion di estilo di bida.

Desaroyo continuo di habilidad

Pro: E freelancernan ta constantemente den un biahe pa mehoracion di habilidad. E naturalesa di trabao freelancer ta exige ta up to date cu e tendencianan di e sector, loke ta fomenta e compromiso cu e desaroyo profesional continuo.

Desbentaha di trabao autonomo

Sinembargo, e tereno di freelancing no ta sin reto y e personanan mester nabega door di e aspectonan aki cu cuidao.

Inconsistencia di entrada

Contra: E freelancernan mester lidia cu e fluho di entrada iregular, atravesando door di bon y malo. E dependencia financiero y elaboracion cuidadoso di presupuesto ta converti den habilidadnan imperativo.

Falta di siguridad laboral

Contra: E falta di siguridad den trabao ta un di e principal preocupacionnan di e freelancernan. E eb en vloed di e proyectonan por tuma luga den e periodonan di incertidumbre, loke ta rekeri un gran capacidad di adaptacion.

Maneha impuesto di e freelancernan

Contra: E freelancernan tin e responsabilidad di maneha nan propio impuesto, incluyendo e belasting di autoempleo. Nabega door di e reino compleho di e obligacionnan fiscal hopi biaha ta existi asistencia profesional.

Reto di aislamiento

Contra: E freelancernan cu ta traha den un ambiente predominantemente independiente por enfrenta na sentimento di aislamiento. E ausencia di un ambiente di oficina tradicional por afecta e interaccionnan social.

Ausencia di beneficio pa empleado

Contra: Compara cu e empleadonan tradicional, e freelancernan no ta disfruta di beneficio standard manera seguro medico, plan di hubilacion of tempo liber paga, loke ta rekeri un enfoke proactivo pa atende e aspectonan aki.

Dependencia di cliente

Contra: Depende den gran parti di algun poco cliente clave por introduci vulnerabilidad. E rescision repentino di un contract importante of e inestabilidad financiero di parti di e cliente por afecta significativamente e entradanan di un freelancer.

Den e panorama aki di pro y contra, e freelancernan mester pensa cuidadosamente su preferencianan, su tolerancia na riesgo y su aspiracionnan profesional pa determina si e trabao freelancer ta ahusta na su obhetivonan profesional.

Nos ta yama danki na Señor

KPA a organisa santo sacrificio pa ricibi bendicion, sanacion y gradicimento



Riba un diahuebs, Cuerpo Policial Aruba a organisa un Santo Sacrificio pa ricibi bendicion, sanacion y gradicimento. Tabata un momento pa para keto un rato y gradici Señora pa aña 2023 pero tambe haci un yamada di bendicion pa tur persona cu ta malo y coleganan policial cu ta sufriendo kebrante di salud y bringando pa nan salud.

Den presencia di polisnan uniform, recherche, polis pensionado, mando policial, famia di Rodney Solognier y alto-comisario di Polis drs. Ramon Arnhem a tuma luga e Santo Sacrificio na Misa Inmaculada Concepcion na Santa Cruz.

Altocomisario drs. Ramon Arnhem tambe a hiba palabra despues cu Pastoor Jairo Maduro a bendiciona nos Cuerpo. Arnhem ta enfoca cu den union como hermandad nos tin cu gradici pa un aña 2023 cu a bay bon pero tambe un aña cu nos a perde algun colega. Alabes mester sigui brinda y resa pa tur nos coleganan cu tin problema cu salud pa nan por mehora y para fuerte bek, specialmente pa Sr. Rodney Solognier cu recientemente tabata involucra den un accidente serio di auto cu ainda ta bringando pa su salud.

Cuerpo Policial Aruba ta gradici tur persona cu a atende un bunita Santo Sacrificio y un momento di encuentro cu polis pensioena.

Un decada cu nos ta celebra

10 edicion: Mensahe di fin di aña di Cuerpo Policial Aruba

Cuerpo Policial Aruba ta preparando pa lansa e di 10 edicion di fin di aña. Tabata na 2013 cu a inicia un cu un proyecto di grabacion pa trece un mensahe positivismo pa e aña nobo binidero. Desde e tempo pa awo KPA a produci 10 edicion.

10 edicion di mensahe di fin di aña traha y produci pa Departamento di Comunicacion, Informacion y Prevencion di Cuerpo Policial Aruba mes. Cada aña Aruba ta pendiente pa e mensahe di fin di aña cu a bira un tradicion di trece un mensahe pa e cambio di aña.

Comunidad ta mira diferente cara y concepto cu e famia di KPA ta brinda na nos comunidad. Cada bes ta ilustra y bin cu un concepto y mensahe diferente.

E aña aki no ta un excepcion y KPA ta cla pa lansa e di 10 edicion cu ta hiba e nomber di "Gosadera e Patruya Navideño". E patruya ta pasa di barrio pa barrio pa trece e mensahe di alegria, hermanandad, paz y harmonia. Pa asina KPA por trece bendicion pa cada hogar aki na Aruba. KPA ta



enfoca pa uza nos talentonan local pa forma parti di e video y e biaha aki a toca turno na Edjean Semeleer cu su cancion di Gosadera.

KPA ta lansa e mensahe di fin di aña dialuna awor 18 december pa 11'or mainta ariba e pagina oficial di Facebook di KPA, tur e rednan social di KPA como tambe prensa local.

Nos ta yama danki na tur coleganan policial cu a forma parti di e mensahe aki y cu nos comunidad por disfruta di dje. Alabes Cuerpo Policial Aruba kier a desea nos comunidad completo feliz dianan di fiesta.



PASEO HERENCIA

*THE BEST ENTERTAINMENT
IN THE BEST ENVIRONMENT*

- **LATEST RELEASES**
- **RECLINING SEATING**
- **LASER PROJECTION**
- **7.1 DOLBY SOUND**
- **RESERVED SEATING**
- **ONLINE TICKETING**
- **CONCESSION AND DELI**

Fortaleza pa Famia

Cada mayor mester ta responsabel pa su yiu

SI bo tin un yiu, of bo tin 2 yiu, of bo tin 10 yiu, abo como mayor semper lo keda responsabel pa bo yiu.

Esey ta un responsabilidad cu Dios a duna bo, asina cu bo tin yiu, pasobra Dios a confia bo cu yiu, pasobra yiunan ta herencia di Dios y e fruta di barica ta un recompensa (Salmo 127:3).

Tur yiu tin derecho riba cas, cuminda, paña y educacion, y esey ta e mayor den mayoria parti e mayor biologico mester zorg pa esey.

Awendia tin hende ta bisa cu nan tin yiu, pero a pa x motibo e yiunan no ta carga nan fam, pa x motibo nan no ta hunto cu e mama, y pa tristo cu e por zona pa x motibo nan no ta cria nan yiu. Den un palabra bisa abo como tata ta perhudica e mucha su crecimiento.

Anto p'esey nos tin hopi mucha (hoben) cu no sa mes ken nan ta, cu ta biba con cu ta, pasobra nan mayornan no a mantene e responsabilidad cu Dios a duna nan for di principio. Pasobra abo como mayor mester educa bo yiu den Señor (Efesionan 6:1-4).


E tempo ta trabahoso, manera tur hende sa, y ta bibando den dje, y p'esey como mayor, bo mester habri bo wowo, si bo kier bienestar pa bo yiu. Pasobra maldad ta loer riba muchanan, y malicia y inmoralidad ta disfrasa na tur sorto di cos basta nan influencia nos hubentud.

Nos no mester trata di tapa solo cu un dede, pero mester enfrenta e berdad, y para firme pasobra locual Dios a bisa den 2 Timoteo 3:1-5 ta cumpliendo cada dia mas y mas.

Alerta nos mester ta den oracion, coreccion y disciplina, pasobra esun cu no ta disciplina, ni tampoco coregi su yiu for di chikito no stima su yiu, pasobra si for di chikito bo no disciplina un mucha, ni tampoco bo coregi su actitud, asina cu e bira un tiki grandi dificultad ta cuminsa, y no tira bo dolor di cabes riba telefon, internet, amigonan etc.

Palabra di Dios ta bisa cu: Mal compania ta dañá bon custumber, (1 Corintionan 15:33), pero tene cuenta cu bon custumber mester wordo sembra for di chikito, pasobra esey ta un mandato di Dios na tur mayor,

Nos ta acercando fin di aña y despues di dje, ta bini



Carnaval, despues di dje ta bini campamento, tur locual ta bini, ta locual nos tur sa cu lo tin hopi movecion di hubentud, y ta nos deber como mayor pa ta extra alerta den e tempo aki. Pasobra ora nos yiu haya accidente, of cay den man di polis pa un delito, ta nos ta e prome cu nan ta puntra pe,

Yiunan, sea obedecido na boso mayornan den tur cos, pasobra esaki ta agradabel na Señor, (Colosensenan 3:21). Esaki ta locual tur mucha mester sa cu mas respet nan tin pa nan mayornan y otro hende en general mas bendiciona nan ta.

Si nos lanta nos yiunan den Señor, nos por evita cu nan ta cay den gara di scuridad, den maldad y inmoralidad, pasobra ta solamente e man Dios, por libra nos hubentud den e tempo trabahoso aki.

Un tempo den cual, cu aunke tin tanto tecnologia, laga nos comunicacion ta mas personal posibel, pa asina amor, coreccion y disciplina wordo practica constantemente.

Nos mester ta alerta, pasobra e tempo den cual nos ta biba ta rekeri esey di cada mayor, pa nos ta responsabel (Proverbionan 29:17).

Sinceramente, Pastor Marcel Balootje

Un persona a wordo tira na Pos Chiquito



Diasabra madruga pa 2:58am central di polis ta wordo informa door di Alarma Central cu lo mester tin un caso di tiramento na altura di Tio Pepe bar & restaurant na Pos Chiquito. Patruya ta yega cu maximo urgencia na e sitio y ta bin encontra cu un auto Mini Cooper destrui. Pero no ta topa cu niun persona. Patruya ta controla na e sitio y un den cercania bin topa cu huls.

Departamento di recherche di San Nicolas como tambe polis tecnico ta presenta na e sitio pa haci nan investigacion. Un rato despues central di polis ta wordo informa cu un persona lo a yega hospital cu herida di tiro na su curpa. Ta trata di victima di inicial fam M. di 17 aña. E situacion di e victima ta critico. E caso na e momento aki ta bao investigacion.

Cuerpo Policial ta haci un apelacion pa es cu sa algo of a wak algo pa yama e tiplijn di polis cu ta 11141. Bo ta keda anonimo.

Homber a cay for di dos piso na Malmok



Diasabra mainta pa 10:15 central di polis ta wordo informa di un caso na Malmok, na unda un persona lo a cay for di dos piso na un condominium den construccion. Patruya ta yega na e sitio como tambe ambulance. Personal di ambulance a trata e persona pero no por haci mas pe. Pa 11:50 Dr. Texier ta constata morto di e homber R.L. nacionalidad dominicano di 44 aña. Recherche a presenta na e sitio y polis tecnico pa haci nan investigacion.

Departamento di Slachtoffer Hulp tambe a yega na e sitio pa brinda sosten na e famia di e fayecido. Cuerpo Policial y AWEMainta ta manda palabra di condolencia na famia di fayecido.

“Senjor ta mi wardador, Mi no tin falta di nada; Den cunucu di yerbe berde, E ta ponemi sosega. E ta hibami na awa trankil, Pa mi bolbe hanja forsa.” Salmo 23:1,2 3.

Cu dolor na nos curason pero conforme cu boluntad di Dios nos ta anuncia fayecimento di nos Casa, Mama, Ruman, Wela, Bisawela y Tanta stima:

Maria Antonia Kock-Quant

Cariñosamente yama: “Mamachi”
*20-08-1944 - †11-12-2023



Na number di su:
Mayornan: †Simeon Quant
†Anna Maria Kock

Casa: Pedro (Shonpe) Kock

Yiunan: †Lourdes Yarzagaray – Quant y Vincent Yarzagaray
Alex Lampe
Geraldine Lampe
Michaël y Elvira Wernet
Manera un yiu: Raita Balgobind

Nieto y nietanan: Manny, Allixzion, Katherine y Aysha Ashanti y Marliviënné
Elmaris, Michaël jr, Lisandra y Nathan Wilfred, Marina y Alexander

Bisanieta y nietanan: Emma y Nathaniel Sharvion
Xiandra y Xiondre

Rumannan: Secundino y Yolanda Quant y Famia Lidio (Julian) Quant y Celia Vries y Famia †Dorilia y †Ismael Dijkhoff y Famia Feliciano y †Monica Quant y Famia Romana Quant y Ronald Peña y Famia Vicente Quant
George (Coby) y Yuli Quant
†Franklin (Benito) y Zaida Geerman y Famia Carmelita Geerman y yiunan Jason cu Jahseed y Famia

Tanta y Omonan: Marcela Geerman y Famia †Verneranda Hart y Famia †Laurina Geerman y Famia †Catherina Geerman y Famia †Felis Geerman y Famia †Timoteo Geerman y Famia

Tur su swa y cuñanan:
†Hendrick y †Rosa Kock-Vos
†Ana y Chico v/d Linden-Kock
†Imelda “Marie” Kock
Victor “boei” y †Eli Kock-v/d Linden Francisco “Fan” y Carmen Kock-Kock Juan y †Candida Kock-Maduro Theresita y †Nello Janga Kock Magdalena y Ronny Maduro-Kock Ricardo “Cado” y Rina Kock-Maduro Emelinda Kock y †Eric Maduro Egmilda y Lazaro de Cuba-Kock Marcelino “Lino” Kock †Agripina “Chichi” y Feliz Geerman-Kock

Tur su Subrino y Subrina nan, Prima y Primo nan, Iha nan y bon Bisiña nan, su ex Coleganan di Marther Luther King school y Abraham De Veer School, su Compañeranan di Kibrahacha.

Bon amistad nan di cas: Sandra Whitfield Wanda Winterdaal Florita Thiel Yola Violenus Margarita Marchena Y demas Amistades nan

Demas famia: Quant, Kock, Lampe, Wernet, Yarzagaray, Geerman, Balgobind, Hart, Dijkhoff, Vries, croes, Jansen, Gomez, Chance, Kelly, Goeloe, Vrolijk, Maduro, Werleman, Makaai, Dorothal y Henriquez.

Ta invita demas famia y conocirnan pa asisti na e acto di entierro cual lo tuma lugar **Dialuna 18 di December 2023** for di 2or pa 4or di atardi, na Ad Patres Funeral Home & Crematorium despues nos defunto stima “Maria” lo sali pa Santana Central na Sabana Basora.

Nos ta pidi disculpa si por a lubida den nos tristeza un of otro famia y persona. Nos ta lamenta cu nos no ta risibi bishita di condolencia na cas. Deseo di defunto ta pa bisti color nan alegre manera e semper tawata ta.
Staff y personal di Ad Patres Funeral Home & Crematorium ta extende nos mas profundo condolencia na famia di e fayecida.



Na Bo, Señor, mi ta Eleva mi alma.
A bai sosega den brasa di señor:

Frans Antonio Croes

10 Mei 1918 – 11 Dec 2023

Vdo di Sra. Aura Croes

Na nomber di:

Su yunan:

Maybelline y Lito Arends
Sandra Croes
Dennis y Mildred Croes
Bianca y Frank Hodgson
Ricky y Marlon Croes

Su Nietonan:


Igor y Zuleyka Arends y yunan
Gaira Arends y yunan
Charisma Woiski
Mallory Woiski y Frank v.d. Assem & yiu
Jimmy y Sabien Woiski & yunan
Elton Arends y yunan & Xianthe Jansen
Shandeeh Arends y yunan
GD Arends y Michella Jansen & yiu
Mildenny Croes y yunan & Shannon Silberie
Gian y Vanessa Hodgson & yunan
Tanisha y Ken Mata
Ibrian Hodgson y Danna Garcia
Cedric y Sulienne Croes & yunan
Mendric Croes y Franchelle Wernet

Su ayudantenan na cas:

Mercedes, Louna, Leticia, Juana y Mely

Ta extende un cordial invitacion na tur subrinonan y demas famia- y amigonan, pa asisti na e entierro, cu lo tuma lugar ariba **diamars 19 di december** na Aurora Funeral Home di 1 pa 4 or pm; response ta cuminsa 3:30 or pm. Despues pa Santana Catolico na Playa.

Nos ta lamenta cu despues di despedida nos no por ricibi bishita di condolencia na cas.



STICHTING VOOR VOLKSHYGIENE VAN

Het Wit Gele Kruis Aruba

Sinds 1959 ten dienste van de Arubaanse gemeenschap
Postbus 488, Oranjestad

Cu inmenso tristeza na nos curazon, directiva, staff y personal ta participa fayecimento di:



**Sra. Maria Antonia
Kock-Quandt**

Mama di nos Colega sra. Geraldine Lampe

Nos ta extende nos mas profundo condolencia na demas famianan y hopi forza den e momentonan dificil aki.
Cu Maria drumi dushi den brasa di Señor.

Cu sintimentonan mixto y gratitud inmenso pa su dedicacion inspiraivo, su guia cariñoso, su fiabilidad y muestra grandi di responsabilidad te cu su 98 aña como fundador y director di su negoshi Facroes N.V., gerente, staf y personal ta anuncia morto di



Frans A. Croes

10 Mei 1918 - 11 December 2023

Cu su alma por haya luz y paz eterno den reino di Señor

Despedida y Entierro lo tuma lugar

Diamars 19 December 2023 *

Di 1:00 pa 3:30 pm

Na Aurora Funeral Home



*Pa es motibo aki Facroes N.V. lo ta sera diamars merdia 19 December 2023

MENSAHE DI DIA
18 Dec, 2023

Decreto di Merecimiento

Ami ta merecedor di tur kos bon
den mi bida, tur amor,
tur abundancia, tur plenitud.
Ami ta merecedor di
felicidad, tranquilidad, paz.
Ami ta merecedor di tur cos bon
y e miho den mi bida.

*e Poder
den Mi*

e Poder den Mi



El Tiempo
Es demasiado para el que espera,
extenso para el que sufre,
corto para el que ríe y
muy rápido para el que ama.
– Anónimo

Cu hopi tristeza pero conforme cu boluntad di
Dios, nos ta anuncia cu a bai laga nos den braza
di Señor:

Mauricio van der Ree

*18 di januari, 1939 – †14 di december, 2023

Yiunan:

Maurella van der Ree
Mylene van der Meulen – van der Ree

Yerno:

Eric van der Meulen

Nieto:

Marcelo van der Ree Hernandez

Rumannan y famia:

† Jose Rafael van der Ree y famia
† Ada Tarcila Arends – van der Ree y famia
Mario van der Ree y famia

Primo, amigo y conocirnan

Ta invita pa e despedida di Mauricio cu lo tuma
lugar **diamars, dia 19 di december**, na Aurora
di 6:00pm di atardi pa 8:00pm di anochi. Acto
de cremashon lo tuma lugar den seno familiar.
Despues di cremashon no ta ricibi bishita di
condolencia na cas.

En vez di flor por hasi donación pa Fundación
CasMarie; lo tin un box disponible na entrada di e
sala na Aurora.



"Mi a pensa cu mi lo haya su falta, pero mi a
tende un angel bisami:
E ta bay ta cu bo tur dia. E solo, e luna, y e
biento lo ta presente pa recordabo e amor
cu e la duna, y e paz cu finalmente e la
haya".

Cu profundo tristeza, pero conforme cu Dios
su boluntad, nos ta
anuncia fayecimento di nos ser stima:

Cesarito F. Tromp

Mihor conoci como: "Cesar"
*14-04-1953 – †12-12-2023

Acto di entierro lo wordo anuncia despues.

Blessed

ARE THE PURE IN HEART,
FOR THEY WILL SEE GOD.

MATTHEW 5:8



Life is like a candle in the wind.
Señor ta mi wardador, mi'n tin falta di nada
Den cunucu di yerba berde, E ta ponemi sosega.
E ta hibami na awa frankil,
Pa mi bolbe haya forsa.
Salmo: 23

Cu hopi dolor na nos curason pero agradecido pa tur
loke E la haci y significa pa nos,
nos ta participa fayecimento di nos tata stima:

Alberto Penja

*6 feb 1931 - †14 dec 2023

Miho conoci como PapaBeto, PaBetto, Bebe
Condecora lid in de Orde van Oranje Nassau
Ex-trahado di LAGO
Fundador di SV. Volvox

Na nomber di:

Su casa:

†Maria Margarita "Margo" Penja-Vrolijk

Su yiunan:

Marlin Krozendijk-Penja y †Ruben Krozendijk
Robertino "Jojo" Penja y Esther Penja-Luydens
Magaly Penja y Robert Haynes
† Ivan Penja y Jacky Penja-Croes
Irvin "Nani" Penja y Evelyn Penja-Bremo

Su nieto- y nietanan:

Yeniree Penja Y Norman Orman
Reuben Krozendijk
Nabila Penja y Yshandee Jack
Jarnely Martinus y Xander Bogaerts
Jeremy Penja
Roseline Penja
Tanhee Krozendijk
Jirvin Penja y Li-Ann Croes
Ragnield Penja y Daniel Alvarez
Nizianne Penja y Josue Molina

Su bisanieto- y

Nyshandee, Yshandee y Dyshandee Jack

bisanietanen:

Nayree, Naylie y Nayira Orman
Jozianne Molina

Su rumannan:

†Teolinda "Chola" Kock-Penja y famia
†Juan Penja y famia
†Maria "Tanti" Rojer-Penja y famia
†Francisco Penja y Cresencia Vallejof

Su ruman di criansa:

Jolanda Koolman

Swa y cuña:

Hypolita "Polita" Loefstop-Vrolijk y Ronnie Loefstop
Felipe "Tego" Vrolijk y Clara-Ines Vrolijk=Giraldo

Su ayudantenan:

Amparo "Dulce" Barroso y rumannan Annie y Aurie
Oliva Sanchez
Gabriela

Su bon bisañanan:

Milo, Leo y Filomena Werleman
Henny y Chia Leo

Su bon amigo:

Nelson Orlando Oduber

Tur su sobrino- y sobrinanan, primo- y primanan, ihanan,
comer y compernan.
miembronan di su team SV Volvox, militancia di su
partido MEP, bisañanan, amigo- y amiganan, conocirnan.

Demas famia:

Penja, Vrolijk, Albertsz, Krozendijk, Luydens, Croes, Bremo,
Martinus, Haynes, Orman, Jack, Bogaerts, Alvarez,
Molina, Kock, Rojer, Dabian, Loefstop, Giraldo, Gomez.

Ta invita pa e acto di entierro cu lo tuma lugar **diamars ,**
19 December 2023

Pa 9'or nos defunto stima lo ta reposa den misa
Inmaculada Concepcion na Santa Cruz
y despues pa Santana Catolico na Santa Cruz.

Despues di entierro no ta ricibi bishita na cas.

Nos disculpa si den nos tristesa nos por a lubida un of otro
persona.



A yega ora pa mi bay na mi cas eterno.
Mi bida tabata carga cu amor.
Y mi amor lo permanece eternamente.

Cu inmenso dolor na nos curason
nos ta anuncia fayecimento di:
nos Casa,Tata, Welo, Bisawelo y ruman stima

Herman Jozef Everon

Cariñosamente yama Bubú of Bubuchi
*07 April 1954 - † 10 December 2023

Na nomber di su:

Mayornan:

†Belograccio y †Deonicia Everon-Gomes

Casa stima:

Yolanda Everon-Vasquez

Yiunan stima:

Xiomara Everon y Eduard Dirksz
Herlando "Lando" Everon
Josette Everon y Rhajin Donata

Nieto(a)nan stima:

Edymara Dirksz y Kevin Dewindt
Edyshmira Dirksz y Kevin Acosta Herrera
Jayduard y Jayliane Donata

Bisanieta stima:

Thiana Dewindt Dirksz

Rumannan:

†Greta Everon
Maria "Chia" Croes-Everon y famia
†Irma "Rina" Everon y famia
Silvio "Chibo" y Isabel Everon-Manzueta y famia
Marcia "Ely" † Rosendo Angela-Everon y famia
Eveline "Eva" y Raphael Vasquez-Everon y famia
Mario "Ronnie" y Miriam Everon-Werleman y famia

Manera ruman:

Mario Vrolijk y famia

Swa y cuñanan:

Rosa y Hubert Leest-Vasquez y famia
Raphael y Eveline "Eva" Vasquez-Everon y famia
Alejandro y Diana Vasquez-Dania y famia
†Johana y Jeffrey Salmon-Vasquez y famia
Tito y Shirley Vasquez-Florez y famia
Glenda y Mario Bislip-Vasquez y famia
Ludwina Vasquez y famia
Joselito y Gwendeline Vasquez-Tromp y famia
Omayra Vasquez y Erwin Loopstok y famia

Subrino (a) nan y sobre subrino (a) nan (na Aruba, Curaçao
y Hulanda)

Primanan cerca:

Gina y Jenny Diaz

Omo y Tantanan cerca:

Ronnie y Clarita van der Biest
Shirley van der Biest
Ely van der Biest

Ihanan, Tanta y Omonan, Primo (a) nan y acto primo (a)
nan, Comer y Compernan

Amigo y amiga di cas: Belinda y Piet Hassel y demas
amistades nan

Ex - coleganan di Dienst Domeinbeer (DIP), Amistadesnan di
SV Estrella cu ela forma parti y equiponan di volley.

Famianan: Everon, Gomes, Vasquez, Dirksz, Donata, Dewindt,
Croes, Manzueta, Angela, Werleman, Vrolijk, Baarh, Diaz,
Rodríguez, van der Biest, Morel, Kock

Oportunidad pa condolencia: Aurora Funeral Home, dialuna
18 december 2023 di 7:00pm pa 9:00pm

Invitacion pa acto di entierro cu lo tuma lugar; **diamars**
19 december 2023 na Aurora Funeral Home di 9:00am pa
11:00am y despues lo sali pa Santana Catolico De Vries na
Santa Cruz.

Na lugar di flor of krans un donacion pa "Lever Stichting
Aruba" lo ta altamente aprecia.

Lo tin un box disponibel pe bunita gesto aki.
Nos disculpa si nos por a lubida algun hende den nos tristeza.

Nos ta lamenta cu despues di entierro nos no por ricibi bishita
di condolencia na cas.
Danki pa compaña nos y cu nos ser keru drumi dushi den
brasa di Señor.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil, Pa mi bolbe haña forsa".
Salmo: 23

Cu imenso tristeza nos ta anuncia
fayecimento di nos ser kerí:

**Francisco Rudolfo
van der Linden**
Carinosamente yama "Doy"
12 di October 1934 – 14 di December 2023

Su defunto casa:
†Margo van der Linden – de Kort

E Yuinan: Burtly van der Linden
Rudolf "Rudy" y Mariela van der Linden
Christine "Emely" van der Linden

E Nietonan: Josephine van der Linden y Roel Francois
Kimberly van der Linden
Christopher van der Linden
Emyl van der Linden
Morris Croes
Mendel Croes
Saphira van der Linden

E rumannan:
†Luis "Chito" y Romana "Mani" van der Linden
†Juan "Johnny" y †Ambrosia "Illa" van der Linden
Donald "Nati" van der Linden
Filomena "Mary" y †Juan "Juanito" van der Linden
Elena "roosje" y †Rigoberto "Rigo" Angela
Pedro "Esy" y Marlin van der Linden
Anges "Neke" y †Thomas "Tom" Griffith
Yolanda "Janja"van der Linden
Patricia "Tita" y †Ruben "Benchi" de Lange

E Cuna- y Suanan:
†Seferina "Sefe Y" †Mario "May" Ras y Famia
†Gertruida "Ety y" †Poliano "Poli" Geerman y Famia
Rosa "Jojo" y †Akilino Koolman y Famia
†Francisca "Chichi" y †Chrismiliano "Shonlan"
Schwengle y Famia
†Marcelina "Olga" y †Jacinto "Chinto" Diaz y Famia
Margarita "Rita" y Dony Christiaans y Famia
Michael "Chelito" de Kort y Yolanda de Cuba
Marcia y Johny Koolman y Famia
Mary Jane y Emiliano van der Linde y Famia

Su ihanan, su sobrino- y subrinanan

E bisinanan: Foster
Thijsen
Werleman
Van der Linden
Fradl
Wever
Oduber

Amigo di cas: Ronald y Helga Nijland
Charly y Chyntia Huntley
Glenda Limonier
Margriet y Lati Wever
Rudy Wever

Danki na: E team di Trinity

Demas famia: El Hage, Rodriguez, Croes, François,
Angela, de Lange, Wever, Rios, Krozendijk, Paskel,
Griffith, Winterdaal, Bislick, Pietersz, Arendsz, de Kort,
van der Linden, Ras, Diaz, Christiaans, Koolman, van der
Linde, Schwengle, Geerman, de Cuba, Lopez, Mendez,
Werleman, Everon, Muñoz, Koenig, Peters, Limonier,
Nijland, Huntley

Acto di entiero lo tuma luga **dialuna 18 di december 2023** entrante 2 or di merdia na Misa Sagrado Curason na Savaneta, cual lo sigui pa Santana Catolico di Savaneta. Adres pa condolencia ta Savaneta 502; riba diabierna 15 di december y diasabra 16 di december 2023 di 7 or pa 9 or di anochi.

Na luga di flor nos lo aprecia un donacion na Comision Santana Savaneta, pa esaki nos lo tin un caha disponibel.

Nos disculpa cu si den e momentonan di nos tristesa nos lo por a lubida un famia of conoci.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Cu tristesa na nos curason pero agradecido pa tur
locual el a nifica pa nos, famia Franken Geerman
ta anuncia fayecimento di:

**Maria Theresita
Franken**
Mihor conoci como "Chita"
*09 Feb 1955 - +14 Dec 2023

Na number di su:
Rumanan:
Ernesto y Angela Franken
Maria y Eddy Weller
Dominico y Isabel Franken
Filomena Franken
Fransisco y Rebecca Franken
Fanny y Lando Dirks
Isaías y Anchi Franken
Frida Franken
Marlyn Franken
†Tommy Franken
Gabriel Franken
Facundo y Vivi Franken

Sobrino(a) nan:
Sammy y Karina, Giovanni, Ivan y Derrelaine,
Dennick, Igmar, Edmund, Kingsley y Diana,
Christine y Gioke, Sue Elka, Emillion, Leslie, Iliana y
Franklin, Emanuel y Glendy, Natalia

Yuinan di sobrino(a) nan, primo y prima nan, bisinjanan

Danki na bon cuido di Christina y Leidy di "Cas di Machi"

Su jufrouwan y amiga y amigo nan di "Brillo di Solo"

Demas famia nan: Franken, Geerman, Ortega, Weller, Maduro, Croes, Dirks, Botero, Ruiz, Martes

Acto di entiero cu lo tuma lugar **diananzon 20 di December 2023** di 9or pa 11or di mainta na Misa Imaculada Concepcion na Santa Cruz. Despues lo sali pa Santana Santa Maria, Santa Cruz.

Nos ta lamenta cu despues di entiero no por ricibi bishita di condolencia na cas.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:

**Dominico C.
Bernabela**
Mihor conoci como: "Junior of Boño"
*04-08-1957 - †12-12-2023

Na number di su:
Rumannan:
Mildred Bernabela
Gilberto Bernabela
Lucy y Bolaji Sule-Bernabela
Patricia Bernabela y Evens Bastien
Pedro Bernabela
Irene y Erwin Boekhoudt-Bernabela
Marie Bernabela
Michel Bernabela y Maroushka Croes

Subrino(a)nan:
Nadine Bernabela, Rene Bernabela y Marten (Hul)
Fatima Ronke Bolaji, Abibat Remi Tannock Sefinat
Toyin Abina (Ingl)
Franklin Bernabela (Hul)
Jean-Marc Bernabela
Chandree Helliger (Hul)
Jeunard Boekhoudt, Kayleigh Boekhoudt,
Jeuneau Boekhoudt (Hul)
Minousche Bernabela, Micheneau Bernabela (Hul)

Madrina:
Veronica Ras-Bernabela

Primo(a)nan na Aruba, Curacao, Bonaire

Pastornan Doedel Sophia y Marcel Balootje

Demas famianan: Bernabela, Sule, Boekhoudt, Bastien, Croes, Helliger, Abina, Bolaji, Tannock, Valentijn, Theodora, Franken, Ras, Josepha.

Ruman nan di Iglesia Aliansa Nobo

Na luga di flor of krans lo tin un donashon box disponible pa Centro Aliansa Nobo.

Ta invita pa e acto di entiero cu lo tuma lugar **diamars 19 di december 2023** na Royal Funeral Home di 2 pm pa 4 pm, despues lo sali pa Santana central na Sabana basora.





AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com